

LE CHAPITRE DE LA VERITE,
contenant quatre-vingts huit versets,
escrit à la Meque.

Lecteur, Mahomet a intitulé ce Chapitre de la lettre nommée en l'Alphabeth Arabe Sifad, qui signifie en ce lieu صدق, Sidk, c'est à dire verité. Voyla Glose de Gelaldin, Kitab el tenoir : Ils ont intitulé ce Chapitre de la Verité.

AV nom de Dieu clement & misericordieux. Je iurè par l'Alcoran que ce Liure enseigne le chemin de salut, neantmoins les infidelles s'esleuent contre la foy, & sont entre eux de differente opinion; Combien en auons nous exterminé aux siècles passez qui estoient semblables à eux? ils ont crié & demandé secours, mais ils n'estoient plus au temps d'estre secourus. Les infidelles s'estonnent de ce qu'un homme comme eux a esté enuoyé pour les instruire, ils disent qu'il est Magicien & menteur de prescher vn seul Dieu : C'est vne chose estrange! leurs Docteurs ont quitté leurs assemblées, ils sont allez prescher par la ville & ont dit, persistez

d'adorer vos Dieux, nous abiurons la croyance de l'vnité de Dieu, la derniere secte ne l'a pas preschée, c'est vn mensonge évident, Mahomet a-t'il esté esleu entre nous pour receuoir seul l'Alcoran descendu du Ciel? Certainement ils doutent de l'Alcoran, ils en cognoistront la verité lorsqu'ils seront dedans le feu d'Enfer. Ont-ils en leur pouuoir les tresors de la misericorde de ton Seigneur tout Puissant & liberal? Possèdent-ils le Royaume des Cieux & de la terre, & de tout ce qui est entr'eux? S'il est ainsi qu'ils montent au Ciel avec leurs forces, assurement ils seront battus honteusement en tous lieux. Les impies ont cy-deuant dementy Noé, Aad, Pharaon faiseur de cheuille, & Temod, les habitans de la ville de Loth, ceux qui habitoient dans la forest, & leurs compagnons ont dementy les Prophetes, & ont esté punis selon leurs demerites, neantmoins les infidelles ne considerent pas qu'ils seront chastiez lorsque la trompette sonnera au iour du Iugement, & qu'ils ne retourneront plus en terre pour se conuertir: Ils disent par moquerie, Seigneur fais-nous voir le Liure de compte de nos pechez, auant le iour du Iugement. Perseuere & prens patience, ne t'afflige pas de leurs discours, & te souuiens de nostre seruiteur Dauid, fort & zelé en ma loy, les montagnes & les oyseaux m'ont loué avec luy, ils se sont assemblez en sa presence, & luy ont obey, nous auons donné force à son regne, & luy auons donné la science & l'éloquence. As-tu appris la querelle de Dauid lors-

qu'on l'a empesché d'entrer dans le Temple? & comme il a eu peur de ses ennemis? lorsqu'ils sont entrez vers luy, ils luy ont dit, n'aye pas de peur; nous auons vne difficulté entre nous, iuge nostre different avec equité, & nous enseigne le droit chemin; cét homme est mon frere, il a quatre-vingts dix-neuf Brebis, ie n'en ay qu'vne seule qu'il m'a rauie, parce qu'il a esté plus fort que moy; Dauid dit, il t'a fait tort, t'estonne-tu d'vne Brebis? la plus grande partie des hommes s'eleuent contre leur prochain, excepté ceux qui croient en la loy de Dieu & qui obseruent ses cōmandemens qui sont en petit nombre. Alors Dauid a cognu que nous l'auons espreuue, il a demandé pardon de son peché, il s'est humilié, il nous a adoré & s'est conuertty, nous luy auons pardonné sa faute, nous l'auons approché de nous, & l'auons logé en vn lieu de contentement. Le luy ay dit, ô Dauid nous t'auons estably en terre pour iuger les differents qui naistront entre le peuple, ne suy pas tes appetits, ils te deuoyeront du chemin de salut, ceux qui se deuoyeront de ma loy ressentiront de rigoureuses peines au iour du iugement? Nous n'auons pas créé les Cieux & la Terre inutilement comme disent les impies, malheur leur arriuera, ils seront precipitez & bruslez dans le feu d'Enfer; traiteray-ie également en terre les fidelles & les infidelles? les bons & les meschās? Ce Liure! nous te l'auons enuoye & l'auons benit, afin que le peuple medite ses misteres, & que les sages en tirent de l'auantage pour leur salut, Nous

auons donné Salomon nostre seruiteur à Dauid, il estoit extremément zelé à nostre seruice, souuiens-toy qu'on luy presenta sur le soir des cheuaux prompts & vigoureux, qu'il oublia de faire sa priere à l'heure de Vespres, & dit. Quoy? ay-ie preferé l'affection du bien de la terre à la memoire de Dieu iusques à Soleil couché? Il les fit ramener, & en fit sacrifier vne partie (pout expiation de sa faute) il leur fit couper les iambes & le col. Nous auons espro-
 ué Salomon, nous auons fait asseoir en son trosne *Voy Tes-
 fir anf*
 vne personne interposée, & l'auons en apres remis *ioahir en
 Turc.*
 dans ses estats; Il a dit, Seigneur, donne moy ta misericorde, donne moy vn regne si heureux qu'on n'en voye iamais vn semblable, tu es liberal enuers tes creatures. Nous luy auons soubmis les vents qui souffloient par son commandemét ou bon luy sembloit. Nous luy auons soumis les Diabes, les vns batissoiét ses Palais, les autres plongeoiét dans la mer pour luy apporter des perles, & les autres estoient liez & attachez pour attendre ses commandemens, il retenoit & congédioit ceux que bon luy sembloit sans reddition de compte; Nous l'auons approché de nous, & l'auons logé en vn lieu de contentement. Souuiens-toy de nostre seruiteur Iob, qui a prié son Seigneur, & a dit que le Diable l'auoit comblé de malheur & d'affliction; On luy a dit, frappe la terre du pied tu verras sortir de l'eau pour te lauer & pour boire; Nous luy auons rendu ses enfans & ses biens par nostre grace speciale, pour seruir d'exem-

ple à la posterité. On luy a dit, lors que la femme la voulu faire murmurer. Prends des verges à ta main, frappe-en ta femme, & ne contreuiens pas à ce que tu as promis. Nous l'auons trouué patient & zélé en l'obeissance de nos commandemens. Souuiens-toy de nostre seruiteur Abraham, d'Isaac de Iacob affectionnez & zelez en nostre loy, nous les auons sauuez & esleus entre les bons. Ceux qui aurót ma crainte deuant les yeux jouïront des delices du jardin d'Eden, où ils seront appuyez sur de tres-beaux lits, ils y auront toute sorte de fruiçts & de boisson delicieuse, & leurs femmes ne ietteront la veüe sur personne que sur eux. Voila ce qu'on leur a promis au iour du iugement, & ces plaisirs ne finiront jamais. Les mechans & les infidelles seront precipitez dedans le feu d'Enfer, ils beuront de l'eau bouillante en abondance, & de l'eau extrêmement froide pleine de toute sorte de puanteur, ils seront precipitez dedans les flammes, & diront à ceux qui leur ont obey sur la terre, puissiez vous estre perpetuellement tourmentez, vous nous auez seduis & deuoyez. Au contraire, puissiez-vous estre tourmentez vous-mesmes, vous auez esté cause de nostre malheur, & serez damnez avec nous. Alors ils diront, Seigneur augmente la punition de celuy qui est cause de nostre malheur, ne pourrons nous pas voir ceux que nous croyons en terre estre des infidelles, & de qui nous nous sommes moquez? nos yeux ne les peuuent-ils pas voir? Ainsi se querelleront les damnez: Dis (au peuple,)

ie ne suis enuoyé que pour vous prescher l'vnité de Dieu tout-Puissant Createur du Ciel & de la Terre, & de tout ce qui est entr'eux. Voila la plus belle predication que ie vous puisse faire, neantmoins vous la mesprisez. ie ne scauois pas ce qui est arriué au Ciel lors que les Anges se sont querellez, Dieu mel'a inspiré, & ne suis enuoyé que pour vous instruire & prescher publiquement les peines de l'Enfer. Souuiens-toy que Dieu a dit à ses Anges, ie créeray l'homme du limon de la terre, lors que ie l'auray formé ie souffleray contre luy, & inspireray mon esprit dans son corps, prosternez-vous deuant luy avec humilité. Les Anges'y sont prosternez, excepté le Diable, il s'enorgueillit & estoit desia au nombre des impies. Ton Seigneur luy a dit, pourquoy ne t'humilie-tu pas deuant l'ouurage de mes mains ? tu es au nombre des superbes; il a respondu, ie suis plus que l'homme, tu m'as créé de feu, & tu l'as créé de la boüe de la terre. Alors ton Seigneur luy a dit, fors de ceans, tu seras chastié de tous costez, & ma malediction sera sur toy iusques au iour du Iugement. Il a respondu, Seigneur differe ta punition iusques au iour de la resurrection; Il a dit, ie la differeray iusques au iour ordonné; Il a respondu, par ta permission ie tenteray tout le monde excepté ceux qui seront zelez en ta loy, & qui obeyront à tes commandemens; Il a dit, ie te dis en verité, ie te dis en verité, que ie rempliray l'Enfer de toy & de ceux qui te suiuront; Dis au peuple, ie ne vous demande point de recompense de

mes instructions, ie ne suis pas vn importun. Certainement ce liure n'est enuoyé que pour instruire les hommes, vous cognoistrez vn iour la verité de ce qu'il contient.

*LE CHAPITRE DES TROPPES,
contenant soixante & quinze versets,
escriit à la Meque.*

AV nom de Dieu clement & misericordieux. Ce liure a esté enuoyé par le Dieu tout-Puissant & sage. Nous tel'auons enuoyé, ce qu'il contiét est tres-veritable, adore vn seul Dieu, & obey à ses commandemens, la foy procede de luy seul; Ceux qui adorent autre que luy n'adorent que des Idoles. Ils ont dit, nous n'implorerions pas nos Idoles s'ils n'auoient le pouuoir de nous approcher de Dieu; Certainement Dieu jugera vn iour le different qui est entre les fidelles & les infidelles, il ne conduit pas celuy qui est menteur & impie; s'il vouloit auoir vn enfant, il feroit eslection d'vne de ses creatures qui luy seroit agreable, loué soit Dieu, il n'y a qu'vn seul Dieu, tousiours victorieux, il a créé les Cieux & la Terre avec proportion, il fait entrer la nuit dans le iour, & le iour dans la nuit, il a créé le Soleil & la Lune qui font leur course dans le Ciel iusques au iour ordonné, il est tout-Puissant & misericordieux, il vous